


## U NARA DE U NIKTO E PLU ASTRO

SUBCOMANDANTE INSURGENTE MARCOS

*U-CI NARA ES U MERO SIXA DE "RELATOS DEL VIEJO ANTONIO" ("PLU NARA DE U GERO ANTONIO"); QI PA HABE ID PROTO PUBLIKO IN 1998.*

"Poli nikto retro, panto-ra pa es nikto. Un urani pa es u mega skia-stego; e u meliko de plu gine e andro pa es melankoli. Plu teo pa este non-hedo ka u tristi musika de plu gine e andro; e mu pa decide kon-es te ski; mu debi akti qo. Kausa panto-kron plu teo pa kon te decide; qo-mode akti plu ergo. Ci-mode plu na paleo-pe pa gene ski de akti; e ci-mode na pa gene ski. Na pa gene ski de ko-decide te akti plu ergo. Plu teo pa ko-decide de apo u skia-tego te u foto; qi pa es supra; pa holo kata-ki ad plu gine e andro; ka-co mu meliko ne sio pa es tristi. E plu teo pa apo u nikto-tego; e un holo foto; qi pa es mega; pa veni; ka u nikto pa habe fo-longi e pa tegu ex u potami ad u buno; e u foto; qi pa gene sto de ki ex u nikto-stego; pa es mega. Plu gine e andro pa lose mu pote de vide; ka u foto pa es mega e mu plu oku ne pa habe u non-ergo e plu soma pa ergo tem holo di ka u foto ne pa ab-ki plu homi. E plu gine e andro pa anti-dice de u-ci acide ka tanto foto; qi pa du noku mu; ka mu pa es plu vespertilio-pe. E plu teo la-tem pa logi; u mu akti pa es kaki; ka mu pa es plu teo, sed ne no-sofi-pe; e mu pa ski de skope u boni alo kako de mu plu ko-decide; e mu pa itere kon te ko-decide; e mu pa decide de re-moti u longi nikto-stego inter-tem mu fo-noia de komo akti u boni ko-decide. E mu pa no-taki akti u-la ko-decide e u longi nokti pa no-taki; ka-co plu vespertilio-gine e vespertilio-andro pa gene ski de gresi tem nokti minus foto; ka plu teo pa fo no-taki de solve u problema de u longi nikto-stego. E po plu teo pa fini akti u ko-decide, mu pa ki a loka; in qi plu pe pa es; e pa petitio plu volu-pe te solvi u problema. E plu teo pa dice; plu volu-pe sio pa es plu pusi mero ex foto; e mu sio pa splasc u nikto-stego te u nikto ne habe tal longi. Plu teo pa dice: "vi fu es plu astro". E panto gine e andro pa dice; mu sio es volu-



pe, ka panto mu pa volu es plu astro; e mu ne pa volu es plu vespertilio-gine e -andro; e panto-gine e panto-andro pa esce plu astro; e mu pa fora u holo stego de longi nikto; e ka-co ne es ku mo boni mero ex u stego, e panto-ra pa es foto; e u problema ne pa gene solvi; e panto pa es klu ma kaki, ka u holo nikto-stego pa gene frakti; e u mode de tegu u kata-ki foto ne pa existe. E plu teo ne pa atenti u-ci, ka mu pa du habe un hedo somni po mu pa solvi u problema, e ne pa este tristi; e ka-co mu pa proto somni.

La-kron plu solo vespertilio-pe pa nece solvi u problema; qi pa gene existe ex mu auto. E mu akti homo plu teo, e pa ko-es te habe u ko-decide. E mu pa skope; es non-uti-ple si panto-pe volu es plu astro; e te oligo-pe pote dona foto, plu hetero-pe nece gene no-foto. E ka-co u mega kon-alelo anti-dice pa gene proto, ka nulo-pe pa volu gene no-foto; e panto-pe pa volu dona foto e es plu astro. Anti-co plu veri homi (plu-la pe, qi habe geokroma kordia, ka u zea veni ex geo) pa dice; mu sio gene no-foto; e kron-co mu pa gene no-foto; e seque-co u nokti pa gene holo, ka pa es melo e pa es foto; e ci-mode plu astro pa pote foto gratia plu-la astro; qi pa gene melo. Si ne, na ankora sio ne pote vide. E plu teo pa sto u somni e pa skope; es plu astro e u nikto, e u mundi es kali komo mu pa face id; e mu pa ab-ki e pa kredi; mu (plu teo auto) pa solvi u problema. Sed komo u-la sio habe veri? Plu gine e plu andro pa es plu-la; qi pa habe u boni ko-decide e pa akti id. Anti-co plu teo ne pa ski id, ka mu pa du somni; e mu pa ab-ki kon un ideo de mu pa solvi panto-ra. Plu tristi teo ne pa gene ski de u proto de plu astro e u nikto; plu-qi es u stego epi plu veri gine e andro. E ci-mode u stori es: oligo-pe nece es no-foto te plu hetero-pa gene foto; sed plu-la, qi gene foto, akti id ka plu no-foto-pe. E si ne, nulo-pe foto."